



Хор: Людмила Шульгина

Ямал муван манты верат элты потар тус



Хор: Эдуард Яунгад

Хацтам дапатан Якутск вошан V Овс мув форум манас. 500 эксперт 17 хон мув элты ияха актацисат. Щита ЯНАО Законодательной Собрание Комитетан рупитты, «Ямал-потомкам!» Ассоциация куца Эдуард Яунгад потар тус, муй хорпи нётопсайт Ямал муван касдыты хоятат ураңан вердайт.

Хутъяң харан потарса мув лодаты, кутдалан верты рупата Овс мув улапса туңматты, ясаң па шоши хоятат улапса шавиты па елды туты верат элты.

«Тамац уйтантопсайт муңева шеңк мослат. Па регионат па хон муват хоца манты ямшака манты верат муң хоцаев ици

верты верытдалдув. Арктика па ЯНАО хоца удты хоятат улапса кеншака манты ураңан хонна ар рупата верты мосал.

Арпелак законодательной верат – щит куцайт па шоши хоятат пидан верты уйтантопсайт. Щи веран мет хув тахаята яңхилдыдув, касдыты хоятат пидан уйтантылдув, потрэмилдув, лув муңилува потарлат, муй хорпи верат ханшты мослат. Иса постаддув па нэпекат лэщатдув, закон рупитты щира туңматдалдув. Кашң хоят уйтантопса тумпийн верытал телефон, интернет мохты куцаята ясаң верты, муй па КМНС общественной организацияйт, утхот мохты», – Эдуард Яунгад ястас.

Ямал доватан 48 щёрас Овс мув шимлаң мир хоят ул, 18 щёрас касдыман яңхал. Кашң кимет семья – ар няврэмаң.

Нялъяң молтас нётопса шимлаң мират ураңан округан рупитал. «Чумовой капитал» кашң пуш ялпитла. Ялап тал тылац 1-мет хатл 2025-мет тал вуш элты кимет няврэм сэма питтыйн иса мосты пормасан «чумовой капитал» мохты мадайт.

Овс мув шимлаң мир хоятат улапса щуняңа па ойца манты ураңан 30 закон па 50 молтас подзаконной акт рупитал. Федеральной законат лэщатты порайн Ямал мув ямшак верат тохи доңалдайт.

Ханты мир улапса шавиман

Сам аматал, хун ай няврэмат шоши мир улапса педа кератдайт. Хацтам ятан Горковской коррекционной ашкудайн нюки хотаң, допасаң хар пуншса.

Щи ашкудайн рупитты утадтыты нэңат ясаң элты, тамаш хар лув шеңк давалдсат. Няврэмат лаңхаман щий яңхилдылат, омаслат, ёнтлат. Кашң пуш лув щита мастер-классат альдат. Ханты мир улапса элты потарлат, няврэмат па аршак уятлат.

Шеңк ям ус ки, хун ханты куртатан тамаш харат аршакан пуншсайт. Щи порайн няврэмат ант еламты питдайт, лув овращдал-щацидал верат елды тулат.



Хор: vk.com/popovolegshur

Аллина Тоярова ханшам потарқан

Уважаемые педагоги!

От всей души поздравляю вас с Днём учителя!

Вспоминая свои школьные годы, у каждого из нас сердце переполняется чувством благодарности к тем, кто делал наши дни ярче и давал нам веру в себя. Это наши учителя! Педагоги посвящают свою жизнь воспитанию подрастающего поколения, вкладывая в каждого ученика не только знания, но и душу. Спасибо вам за это!

Ямальские учителя обладают уникальной способностью вдохновлять, мотивировать и помогать детям раскрывать свои таланты. Об этом говорят победы наших ребят. В этом году округ подтвердил лидирующие позиции в рейтинге регионов России на заключительном этапе Всероссийской олимпиады школьников, сохранив шестое место. По итогам Единого государственного экзамена, на Ямале – 21 наивысший результат и первый в округе трёхсотбалльник. Уверен, благодаря вам, дорогие учителя, наших детей ждёт еще много побед и достижений.

Спасибо за вашу преданность делу, поддержку, благородный труд и терпение. Желаю здоровья, счастья и успехов во всём!

Губернатор
Ямало-Ненецкого
автономного округа
Д.А. Артюхов

Дорогие учителя, преподаватели и ветераны педагогического труда!

Поздравляю вас с профессиональным праздником – Днём учителя!

Быть учителем – высокая честь и большая ответственность. Ваша профессия – одна из важнейших в мире. Раскрывая потенциал подрастающего поколения, вы формируете будущее нашей страны. Именно вы проходите рядом с детьми важные этапы их жизни, помогаете найти своё место в обществе.

Современное образование становится всё более индивидуальным и ориентированным на потребности каждого ребёнка. Это требует от учителей высокой квалификации и креативности. Ямальские педагоги всегда отличались профессионализмом, неравнодушием и самоотдачей. Их труд находит признание во всероссийских конкурсах, а ученики становятся победителями олимпиад.

Отдельные слова благодарности ветеранам педагогического труда, которые являются образцом верности своему призванию. Сегодня молодые педагоги продолжают заложенные вами традиции и привносят в профессию новые идеи.

Пусть ваша жизнь будет наполнена приятными моментами, а ученики радуют самыми высокими достижениями.

Желаю здоровья, творческой энергии и благополучия!

Председатель
Законодательного Собрания
Ямало-Ненецкого
автономного округа
С.М. Ямкин

Сусан щутщаты пора

Кашц тал, округ няврэмлүв, хошам муват педа яммалтаты па щутщаты яңхлат. Щи вер ураңан, ай тахайт потты тыдащ кимет хатадан, льготной категория лүдтасты няврэмата щутщаты заявка маты вер пуншса.

Там сусан эвет па похат, Тюменской областан улты «Ребячья республика», «Олимпийская ребячка», «Остров детства» худам лагеря па «Остров Мадагаскар» питы щарас питаран улты йи лагеря щутщаты манлат.

«Заявка маты ураңан мосал «ЯНАОтдых» порталан ханшлтантыты, шошия улты вош пирыты па личный кабинет хуват заявка маты. Пирийм лагеря места антом ки, заявка «резерва» маты рахал. Пора



Хор: Пулцават администрация

хащты юпийн, ёвра ханшам заявкыт нох пайтлайт па яма ханшам отат нох элдалат. Няврэм лагеря китты порайн, юш нэпек ураңан ох сохаптаты туп мосал па щеп охан маты. Щутщаты путёвкыт округ хуват

лутман улдат. Там тал льготта ант вуйдым, тыдащ вуты охал шимла хойты хоттэдат па СВО харатан улты хоятат няврэмлад юш нэпека посатам охдал, щутщыйм юпийн, ёхлы сохаптадайт», – Ирина Леони-

довна Шевченко Пулцават вошан няврэмат щутщаты китты отделан рупитты нэ ястас.

Федеральной па окружной субсидия яха понасман, шоши мувеван худмет тал «Дети Арктики» программа хуват няврэмата йи матты лагеря манты юшад сохаптада. Там пуш ветмет класс элты нийдмет класс унты уталгыты няврэмат «Остров Мадагаскар» Краснодарской край улты лагеря, тын щах ант сохаптаман, манты верытлат.

Няврэм ханшлтаты порайн, молты ант ки тыйл там телефонат хуват: +7(912) 071-50-37, +7(912) 071-50-39 инщасты рахал.

Зоя Куртямова
ханшам потар

Ар няврэмаң хоттэд емаң хатл постаты пилта

Ай тахайт потты тыдащ олаңмет хатадан ямальской парламент ар няврэмаң хоттэд хатл верты постас. Щи веран Ямал губернатор Дмитрий Артюхов щимащ емаң хатл постаты кашащас. Щёхар тыдащ худмет лапат щутщатын постаты пилта – ар няврэмаң хоттэд Хатл.

«Мосванан Законодательной Собрание хоща рупитты хоятат номас понтсат ар няврэмаң хоттэд емаң хатл постаты. Лүв щёхар тыдащ худмет лапат щутщатын питал. Щит шеңк ям вер. Округ ловатан улты семьяйт постадлүв, мойдапталлүв», – Дмитрий Артюхов ястас.

Ямальской парламент куца Сергей Ямкин ястас, там хатлатан муң хон мувев ловатан ар тал елды хатлата постам верлүв туллүв. Ойда па щуняңа улты вер кашц семья элты этал.

«Ун па куран туңа щира лойман улты хоттэдат – щит муң елды улты хатлэв, ойев, щунев. Тамащ хоятат онтасан арадалан хон мув удапсаев нох аламлэв. Ялап емаң хатл – щит ялап вер хоттэд верат туңматты щирани. Округ ловатан улты семьяйт па общественность там вер вана вусэл», – Сергей Ямкин ястас.

Ин Россия ловатан аңки Хатл, ащи Хатл, няврэмат сайлаты Хатл, хоттэд Хатл постада.

Алина Тоярова ханшам потар

Округев ялап автобусатан тэкаптада

Там пуш округева лапатъяң педа кат автобус лутты ястас. Ярхус машина, моторлад бензин юкана мув шув тут йиңкан понман, рупитлат. Хутъяң педа кат машина «Безопасные качественные дороги» па «Развитие общественного транспорта» нацпроектат хуват тынал еша идшак пайтам щирани лутсайт.

Хольмаң машина округева ёхтаптаса. Катхощъяң – Ноябрьск воша туса, яртъяң кашц воша – Новый Уренгой па Лапатнаңк, Пуровской района йи автобус. Аялта катра машинайт нох вудайт, щи юкана ялап машинайт эсалдайт.

Лапатнаңк вошан БМ па Обской, елан улты микрорайонат педа ведщи тувам автобусат юша этсат рупитты. Пуровской районан, Халыасавэй – Вынгапуровский ай куртат кутан яңхты пиллат.

Ялап автобусат арсыр мосты пормасатан лэщатман улдат.

Муй арат хоят дыпия лоңал лүнатты пормас, юш нэпек лутты па машина дыпелан нёхты хор ханшты хошапат тайлат. Маршрут хуват мантыйн, ГЛОНАСС хуват ныдайт, маты машина хота манал. Автобусан рупитты хоятал муй арат щёс рупитал, метас, мосаң олты лаңхала, щутщаты порая йис муй анта, иса вантман тайла. Няврэм олты па мушаң хоятат тутдыты коляскайт дыпия лоңалты па ким этты ураңан овдал утца, хотхарлад па иданшак верман улдат. Дыпия лоңты ов

харлад лащкама лэщатсайт, ар хоят лоңты порайн ермат ант ат ус.

Хащам вет тал сыс вошаң хоятат тутдыты машинайт 92 процента ялаптасайт. Мув шув тут йиңк понты станцияйт Ноябрьск, Муравленко па Лапатнаңк вошатан пуншсайт. Щимащ тут йиңкан яңхман, вошатан лалты дыл шув еша сыстамшак питал па «Экология» нацпроект хуват рупата ел хатмал.

Зоя Куртямова
ханшам потар



Хор: ЯНАО губернатор пресс-служба

Тата ищи айкедат лүнтаты

Хащам ятан, газет тумпийн, ханты ясаңан айкедат «ЛУХ АВТ» «ВКонтакте» па «Одноклассники» хоща ищи лүнатты верытлаты.

Туп телефонан мосал QR-код хоща тувемиты. Щита аршак хор па ялап потар поныдылүв. Щи тумпийн кашц хоят верытал муңев ёхлы ясаң ханшты.

Ияха понасман ясеңев шавилэв па елды тулэв!



Яма уталтыман охан сохаптадайн

ЯНАО Губернатор нэмпи стипендия вутыя, ловатадан хуламсот педа лапатхоцъян заявление ханшман ус. Шидта рупата педа уталтыты катсот педа нийлъян нийл няврэм туп пирыса. Партапса нэпек, уталтаты верат туты департамент сайтан понман ул.

Стипендия вуты няврэмат кутан: ашкүда мевалд пос пидан етшам ветъян эви па пох, яма уталтыым па ши тумпийн арсыр проектат, олимпиадайт па касапсаятан нох питам нялъян педа лапат няврэм, Овс мув шимлаң мир ёх кутан нийлъян хулам хоят, ацидал СВО харатан улты ветхоцъян няврэм. Там тал олаң пуш Волновахской район элты, яма уталтыым

хулам няврэм, муң округ куцаев нэмпи стипендия па вуты питлат.

Нётапса ох шитты ураңан, Хон Петра вошан А.И. Герцен нэмпи педагогической университет, леккара уталтаты академик И.П. Павлов нэмпи госмедуниверситет, Омск вошан Н.И. Пирогов нэмпи университет па Тюмень вошан улты университетат элты мет ар заявка китман ус.

2020-мет тал элты округ губернатор партапса хуват лув нэмтайты стипендия сохаптаты питса. Луң па тал сессия яма маты юпийн, эвет-похат талаң тал шуп верытлат яң щёрас кашщтыдащ ёша вуты. Уталтыты няврэмата щит шеңк ям нётапса.

Зоя Куртямова ханшам потар



Хор: vk.com/muzhi_yanao

Сибирской язва эвалт партонна аматсайт

Тал пинтцам итна ветсат щёрс молтас кадаң сибирской язва эвалт партонна аматсайт. Мет вул ропата Ямальской па Тазовской район йириңанна манас, щита 380 щёрс молтас кадаң партонна аматса, щит тал план эвалт 70% арат. Итта прививочной кампания Пуровской па Приуральской районна манл.

Тампус муң региону хуват хоскем прививочной бригада ропытас. Ямал мув губернатор Дмитрий Артюхов онтасна, кимет тал партон аматты сыс шоши мир нэңхэт ропытлат. Лув кораль верлат, кадаңат пасна аматты порайна па кадаң нэңхэт ропата туңматты тахайна нятлат.



Хор: ЯНАО губернатор пресс-служба

Дорвош район хуват манам кампания мули естас. Тампус щита холамхоцъян щёрс арат сельхоз па щирел тащна олты кадаңат

партонна аматсайт. Ампат па ант ярэмасайт, солвай па бешенство эвалт партонна понтсайт. «Ветеринарной служба кадаң

хататна верты ропатайдал етсата питсат. Бригадайт тампус сэңк вул ропата версат. Ши томпына, пилотной проект онтасна 850 хаттэл элты ветеринарной наборат масат. Папус щита холна антимиicrobial па антигельминтной партонатна нятлайт», – Ямал мув вай леккар хат коща Евгений Попов лавас.

Итта, Ямал мув хуват олты тащат яха ки луңатман, мули 90% арат кадаң партонна понтса. Касаң тал партонна понты ораңна ши охват ивейна вудамла. Тунял мет вул рекорд аматса, щит ветсат щёрс молтас кадаң. Нэңхэт вакцинация хоща мет ямас лэцатыта питсат.

Вера Лонгортова хансам потар

Орден Мужества майлапсэтна масайт



Хор: vk.com/porovolegshur

Ямал мув холам хаттэл СВО хоща парам нэңхулад ораңна орден Мужества майлапсэтна масайт.

«Муң ляльна парам нэңхулуна олты хуват ярацта питлу. Лув тата нэңхулад хыщсат, посмертно мийм орден Мужества лувилал масайт. Тамхатл холам нэңху орденна масайт, лув аса Авдеевка вуймел порайна парсат. Лув лыдлал Хон мув па нэңхэт ораңна масдал», – Дорвош район коща Олег Попов лавас.

Вул государственной награда я масайт – Денис Шапошников Лопхари, Юрий Рябков Дорвош па Алексей Тыликов Овкурт эвалт.

Вера Лонгортова

ОБЪЯВЛЕНИЕ

СЛУЖБА ПО КОНТРАКТУ В ВС РФ полная информация по телефону 8(902)81-6-11-90 звонки по России бесплатно

ВРЕМЯ ДЛЯ ВАЖНЫХ РЕШЕНИЙ!

КОНТРАКТНАЯ СЛУЖБА
5 000 000 Р
 ЕДИНОВРЕМЕННАЯ ВЫПЛАТА
2 300 000 Р

ПРИ ЗАКЛЮЧЕНИИ КОНТРАКТА НА ЯМАЛЕ

Призываемые с других регионов, возмещаются затраты на проезд от места проживания до г. Салехард. В период оформления документов в г. Салехард бесплатно, 3-х разовое бесплатное питание!

ОБУЧЕНИЯ:

- ✓ ОПЕРАТОРОВ БЕСПИЛОТНЫХ ЛЕТАТЕЛЬНЫХ АППАРАТОВ
- ✓ ТАКТИЧЕСКАЯ БОЕВАЯ
- ✓ МЕДИЦИНСКАЯ ПОДГОТОВКА

1 900 000 Р Ежемесячные выплаты
до 120 000 Р Ежемесячные выплаты при нахождении в зоне СВО

400 000 Р Ежемесячные выплаты при нахождении в зоне СВО

РЯДОВОЙ ОТ 210 Т.Р. **СЕРЖАНТ** ОТ 232 Т.Р. **ПРАПОРЩИК** ОТ 292 Т.Р.

Няврэм педа самаң нэ



2024-мет талдан ветъяң талда йис, хоты ярхус талпи эвийн лув ай няврэмат хатл сис шавиты хота рупитты ёхтас. Шци пора элты энмалтам няврэмлаң нови охпи хоятата йисат, пенсияя мантсат па хилыдал энмалдат.

питателя елды рупитты питас. Хоятал атам ки, ай няврэм вана хун йил. Рупатаялан, олаң тал энмалтам няврэмлаң волаң хоятата йисат, ин па хилыдал лув хоңайл ванлталдал.

Ийикел Павел Иванович улмаң хуват ашкулдайн рупитас. География урокат тус па интернатан воспитателя рупитас. Анта нэман, щиты тыйс:

Светлана Серафимовна мет олаң, садик элты эслам няврэмат, юхат ашкулдайн, Павел Иванович ёша питлат. Щиты яңмет класс унты щци няврэмлаң яха энмалтсаңан.

Павел Иванович ашкулдая рупитты ёхатмадан, Светлана ходна ашкулдайн хутмет классан уталтыйс. Лапат тал давлас, хун имия туты эвел энамал. Йи номас понман, нялъяң тал яха усқан, няврэмлаң энмалтсаңан. 2012-мет талдан Павел Иванович антома йис. Муйкем сам

хошийл, елды улты па мосал. Няврэмлаң атэл улдат. Лув ёшалан энмам хилэңалал уна йисқан. Ин па хилы няврэмлаң лувел амат тувман энамлат.

Светлана Серафимовна олаң талат рупитмадан уншак эвет-похат пилан рупитас. Няврэмат ашкулдая манты лэщатсалды, луңатты, ханшты уталтасды. Ин Альбина Михайловна Куртямова (Талигина) пилан пилана рупитлаңан, кат-хулам тал ловат пошхиет пилан волкемадңан. Велщи садика ёхаттыйн, няврэммет холдалат, анти-ащи хоңа ёхи вуратлат. Тамиты, самаңа тайман, ай няврэмат сора утлаплат па аматман хатл сис шавиты хота хухаңлат.

Елпи паварт элты верам «Теремок» хота лоңтыйн иса хошам, систам, эплдаң лэготан авал, няврэм нях щащал. Ветъяң тал сис рупитман, Светлана Серафимовна нэмолаты порайн пуңла манты номасан ант ёхтылдыса. Щикем щци рупатайл педа самаң нэңие. Садик хот па ялпа верса, катра паварт хот юкана ин кев элты верам кат ятпи ун хорамаң хот, курт кутапан омасал. Лыпи хот ятлаң лащкамат, ишнидал унат.

Щутщаты порайн, кашң луң Топол вош педа яңхал. Щита уталтыйм пилнэңдал пилан яха уйтантылат, эвия удам порайдал элты потрэмидат. Уталтыйм щиран, холыена ай няврэмат пилан рупитлат. Щикем щци сам партам вер педа эвиет уталтымел па рупитлат.

**Зоя Куртямова
ханшам потар**

Щёхар тылащ хащам лапатаң ай няврэмат хатл сис шавиты хотан рупитты хоятат емаң хатл постасат. Там лопасан Светлана Серафимовна Тыликова (Контерова) элты потар манал. Лув Овкуртан, ин там хатл унты «Теремок» ай няврэмат хатл сис шавиты хотан воспитателя рупитал.

Ашкулдайн уталтымалаң, уталтаты нэңал лув педайл ястал: «Ванта муй щиран наң хошлан няврэмат молты вертыя па ёнтты хуцтыя, потартэнан – турсыең лэпат, няхен луңханщап иты щулийл. Наңен лудан ай няврэмат пилан рупитты. Топол вошан щимащ рупата педа уталтыты хот ул». Ин уталтаты нэңал ястам ясаң щиран, нийл класс етшамал юпийн, Мужи вош кат пуш вантыйм эви, Топол воша рупата педа уталтыты манал. Ант па палмаң щци хуват тахая манты.

Рупата педа уталтыты талдал сора хащсат. Яха уталтыйм пилнэңдал арсыр вошата рупитты мантсат. Нэпек ёша пайтам эви ёхи ёхтас. 1972-мет талдан уйт лор тылащан «Теремок» садика рупитты вуса. Велщи рупитты питмадан, ай няврэмата даварт ус Серафимовна ястаты. Лув лувел Светлана Ивановна аялты партас. Там йис няврэмат еша харщанат па ар щира



тыйман ищи па Серафимовна ясталат, ай пошхиелал па ун антия аялдал.

Рупитмаң кутан, яң тал сис садик куца нэңа ус. Юхат, айшак нэ ёхтам юпийн па вос-



Ломбовож куртаң ху

Там луңан муң «Ханты ясаң» редакцияева Ломбовож курт элты охаль ху Валерий Владимирович Хозумов мойңа ёхтылдыс. Ма лув пилэдан потартмеман улапсайл элты инцассэм.

Оша йис, лув лыпат энамты тыдащ 19-мет хатадан 1958-мет талн Суматвош район Пупъисум куртан сэма питас, щита энмас. Ащел Владимир Устинович Хозумов Хорампауль курт элты ус, антел Елена Константиновна (эви опрац нэмад Юрьева ус) – Межи курт элты. Опрацел Устин Викторович Хозумов Водаң Отечественной ляль порайн Украинской фронтан лялясас. Ёхды керлас, хонл кашийс, щалта операция верам юпийн хув ант ус, антома йис. Валерий Хозумов потартас: «Ма опрацем ант вантсэм. Ломбовож куртаң ашкулдайн уталдымеман ма Василий Николаевич Сайнахов па Кузьма Зиновьевич Хозумов па па лялясам хоятат шияласам. Щикуш лув пилэдан уйтантапсэт лэщатсат, туп лув ляль верат элты ант потартсат».

Лув элтыдал оша йис, Хозумов опрац нэм охаль ясаң толмащтаты ки, щит хашна ай вой.

Ащел худ па вой ведпасдас, антел ищи худ ведпасдас, елды охсар энмадты тахайн рупитас. Лув семьяелан вет няврэм ус: Валерий – мет ун, елды нэмасқан Саша па Серёжа (антома йисқан), щалта Лёня па Таня.



Хор: Людмила Шульгина

Ашкуда унты Валерий Пупъисум куртан энмас. Катра порайн щит ун курт ус, щита ар хоттэл ёх па Саранпауль курт элты экспедиция руц хоятат усат. Щишн Валера ай тэдан руц ясаң худантас па уйтас. Лыв семьяел мисат па доват тайс.

Валера лапат тада ювмалан Ломбовож куртаң ашкулдая нулевой класса уталтыты манас. Щи порайн щи куртан лапат классап ашкуда, утхот, лапка, почта, нови тут маты таха па 1930-мет тал вуш элты «М.И. Калинин» нэмпи колхоз усат. Колхозан доват, мисат па охсрат энмадсайт. 1961-мет талн щи колхоз Саранпауль куртаң колхоз пилан ияха каратса. Перестройка порайн щи колхоз

йира вуса. Щиты айлтыена Ломбовож куртаң мир па куртата касалты питсат.

Валерий ясаң щирн, Ломбовож курт пуңалан луң куртые ус. Щалта худам охаль рут, щит Шешкинат, Албинат па Таратоват ванан Ломбовож куртые омассат.

«Ма юхат, Пётр Ефимович Шешкин вантсам. Лув доват элты пормасат нэхрылдыс. Яма нумлэм, хоты сахат муң, похат, туса вантсус, муй щирн лув рупитас. Лув Лэв куртан кулуп хоца кружок тус. Щи тумпийн лув хорат вуты версамаңа тайсалды. Ма ищи ай хопат, ухлат, нымлат, лупат па па ун отат верты хошдам. Щит ма ацем элты уталтысам», – Валерий Хозумов ястас.

Валерий ащел элты охаль мир йис верат, поикщаты верат яма тайлады. Там йис хоттэл ёх па куртаң мир

пилан Ломбовож курт луңхата поикщаты вер лэщатал.

Валерий Хозумов Ломбовож куртан лапат класс етшаптас, нийл класс – Лэв куртан, елды 9-мет классан Светлой куртан уталтыс. 10-мет класса уталтыты ант манас. 1978-1980-мет талданан Москва хон вошан хотат омасты батальонан служитас. «Луңан 1980-мет талн Москва хон вошн Олимпиада ус, туп Ас нопатты тыдащн служитты верэв сохнас, щишн муң имохты ёхи мантсус», – Валерий Владимирович нумалмасды.

В.В. Хозумов ёхды керлас, имеңа йис, потартал: «Имем Светлана Николаевна, лув Патрасуй куртаң нэ, охаль Таратов рут элты йил. Мин ашкулдайн ияха уталтысман. Мин няврэм ант тайдаман, туп апщилув па апалнэңлуд энмадсаман, ин лыв уна йисат».

Валерий Хозумов рут куртадан худ ведпасдас, елды ветлэм тал унт вантты щира рупитас, щалта нови тут маты тахайн рупитас, щи таха элты пенсияя манас. Ин щутщаман худ па вой ведпасдал, куртаң мир вохалки, лув хопат, ухлат, нымлат, лупат па па мосты отат верал.

Ёхи хащам артан лув Ломбовож курт улапса элты айкел тус. Оша йис, щита «Шешкинской луңтапса», «Лыжнёй Андрея», няврэмат ураңан шоши мир щутщаты харат лэщатлайт. Куртаң мир охаль мир емаң хатлат лэщатлат.

Ёмвоша сэмңадал лекцитты ёхтылдыс, щи муш элты Суматвош район пульницайн тохтурат ош версат па тый китсат.

Щи тумпийн лув ястас, «Луима сэрипос» охаль мир газета луңатты мосман тайлады.

Людмила
Шульгина
ханшам потар





Хор: Вера Лонгортова

Йавэна энэт äви Энэт äви.
Куйков ики энэт äви
Энэт äви.

Ең мөк тайэм
Йэм мэхэлэма.
Ең äви пә тайэм мэхам
Тайэм мэхам.
Атьэлэм мэйэма
Йэм мэхэлэма.
Аңкем мэйэм
Йэм мэхэлэма.

Степанида Егоровна Востокина



Хор: Вера Лонгортова



Қаңни арәх

Лапәт тапәр кә я
Йәм күты кә(а),
Қут тапәр кә я
Йәм күты кә(а).
Тьёттьё, тьёттьё.

Текена өвпия
Йәм рөтаха өвпи кә
Тәмка омси(я)ди лүвә.

Сот тапәр кә я
Йәм күты кә(а)
Текена өвпия
Омси(я)лән лүвә.

Сот йәм пәлкева
Мәң касиләлув.
Тьёттьё, тьёттьё.
Тәм омси(я)ди.

Одәңа тывәм (а)
Одәңа латтәва
Мәң омси(я)ләлува.
Тьёттьё, тьёттьё.

Лапәт мәх, қут мәк кә
Ләләк Қон Атьәли
Йәм сүя чанция
Йәм одңәла,
Рутаңа өвпия
Лүв ти омси(я)лән.
Тьёттьё, тьёттьё.

Рутаңа өвпия
Йәм поңқ одәңа
Өнлэхәлты.
Төвләңа одәңа
Мәң пәләк әсәхдува.
Тьёттьё, тьёттьё.

Найәңа лапәта
Лапәт йәма пәлкева
Мәң қөва мәвләққә
сүйләва.
Тьёттьё, тьёттьё.

Вуртәңа лапәта
Найәңа пәлкева
Мәң қөва мәвләққә
сүйләва.
Тьёттьё, тьёттьё.
Кичува питтәққа

Йәма лапәта
Лантәңа йәм қота
Мәң ләңиләдәва.
Тьёттьё, тьёттьё.

Йәм дунқ одәңа мән
қөха
Күрәңа пәтәх
Сот йәм одңәва
Мәң қөва қонәңа
әсәхдәлува.
Тьёттьё, тьёттьё.

Сорни күр пәта
йимәң поңқа
Поңқ йимәңа – йимәң
поңқ,
Қыл йимәңа – йимәң
қыл
Мәң йәчәмтәтува – әй
тенә,
Пыртәмтәтува – әй
тенә.
Тьёттьё, тьёттьё.

Василий Данилович Востокин

Дим Похәл ики тьәрт арәх



Хор: Зоя Курьямова

Тьоттьё, тьоттьё, тьоттьё, тьоттьё.

Лөкәл йавәна икидия,
Лыхдәң йавәна икидия
Әй воната омәсләхән,
Әй воната омәсләхән.
Тьоттьё, тьоттьё, тьоттьё, тьоттьё.

Пиңия киләма
йавәна,
Лимәңия киләма
йавәна
Кат йоққәна
Әй воната омәсләхән.
Тьоттьё, тьоттьё, тьоттьё, тьоттьё.

Тәм Кантеров әйқа
мәңләт,
Әйқа вәлдәт, әйқа
нопләт.
Тьоттьё, тьоттьё, тьоттьё, тьоттьё.

Лөкәл йавәна икидия,
Лыхдәң йавәна икидия
Әй воната омәсләхән.
Ар әвия нярәк күрата
Ар пәхәя нярәк күрат
Көвәтләдәт,
көвәтләдәт.
Тьоттьё, тьоттьё, тьоттьё, тьоттьё.

Лөкәл йавәна-
йавәннә
Көвәтләдәт,
көвәтләдәт.
Лыхдәң йавәна,
Лыхдәң йавәна
кутьәңнә
Көвәтләдәт,
көвәтләдәт.
Тьоттьё, тьоттьё, тьоттьё, тьоттьё.

Лөкәл йавәна икидия,
Лыхдәң йавәна икидия
Әй воната омәсләхән,
омәсләхән.
Тьоттьё, тьоттьё, тьоттьё, тьоттьё.

Аграфена Семёновна Песикова

Анна Павловна Кантерова күть арәх

Куйков ики энэт
äви, Энэт äви.
Куйков йох энэт äви (ю)
Äви хәю.
Тымәң Йәкор оmtәма
Өвәр күтәма Өвәрхә я
архи(я)тәтәм (хәя),
Көккә я архи(я)тәтәм (хәя).

Сот войәха, сот пупи (йо)
Йәм икия,
Йавән икия энэт äви,
Энэт äви.
Сот войәха, сот пупи (йо)
Лантәң күтәма,
Куйков ики энэт äви
Энэт äви.

Ең әвия әлтәма
Йәм мэхәлэма.
Нима йавәна қөв тей (йо)
Йәм мэхәлэма.
Йәкор ики оmtәма
Өвәр күтәма
Көккә я архи(я)ләдәм (хәю),
Өвәрхә я архи(я)ләдәм (хәю).

Тәти арәх

Тәм Йав ури, Йав ури,
Тәм Йав ури, Йав ури
Йәккәң пә я йәккәңа,
Сортәң пә я сортәңа.
Йав уринә йәңқилдәм,
Йав уринә вәдилдәм.
Куйковнә вөйойәм.
Йав ури, Йав ури.

Сәңкең йавән йәм
уңәм,
Сәңкең йавән йәм уңәм
Тенә я йәңқилдәм,
Тәхәнә йәңқилдәм.
Войәха кәнқилдәм,
Ланқи пә я кәнқилдәм.
Йав ури, Йав ури.
Йав ури, Йав ури.

Йәккәң пә я йәккәңа,
Сортәң пә я сортәңа.
Йав ури, Йав ури,
Йав ури, Йав ури.

Аграфена Семёновна Песикова



Хор: Вера Лонгортова

Ёхан Мув Ики па Ас Мув Ики

(Йис потар)

(Одаң шупал № 39 (1238) луңталдн)

Яси, яна! Ханематы партса, ин икел елды шушмас – хулам пупи ещадт этас. Унт эдты этам пупилал пидан кутарматы питас. Кутарматы питсат, хув кутармасат – холыена идпия версалды.

Па мантсаңан, мантсаңан. Ас Мув Ики ястал:

– Я хоты, молты уйтлан?

– Па муй уйтдам? Нэмолты ант уйтдам!

– Ин талта вет пупи этлат! Вет пупи этлат па, ин сяха яма удмеман патыйн, ант ки верытгалдам, наң еша нётамта! Си патыйн ма наңен тусэм.

Па си ханематы партса. Ин хуйд яна елды шушмас. Лув туп шушмас, елта вет пупи этсат. Па си кутарматы питсат. Хув татлассат – хойн уйтла, ван татлассат – хойн уйтла. Ин ханты эдты пупия ювам отал па си нумпия питас: тумилал холыена идпия версалды.

– Я, ики, юва – манламан!

Па мантсаңан, мантсаңан, нэмолты хув ант мантсаңан.

– Хоты, молты вер уйтлан?

– Ма муй уйтдам? Нэмолты ант уйтдам.

– Еша па манламан па, тата лапат пупи этад. Лапат пупи этад па йи пупел – сыха пеңкпи пеңкаң вой, ёвра педкпи пеңкаң вой. Сах пунал нюр тут нядам хорпи, нюр вурты. Хутал хоты, си велдэм, иси па нумпия си питдам. Ситэм пидан сит ант уйтдам. Иса ки ант верытлэм, еша нётамта! Ин па, тый ханема!

Ин ики лэңкем си ханемас, падман си омасад (Ёхан Мув Ики). Ас Мув Ики туп елды шушмас, яна, лапат ещадт этсат! Лапатмет отал сах пун тайл ад волийл: яна, матты ки, наң кар пунпи! Лув кутарматы си питсат. Хув тарн хайсат – хойн уйтла, ван тарн хайсат – хойн уйтла. Лув атэл хутал идпия версалды, тумел пидан си куртасас. Нэмолты хуйн эдты пул ант холамлаңан.

Си татлассаңан, татлассаңан... Имомтыйн па си морта дылдан ёхи ерапсат, нэмолты хуйн нэмолты юр ант тайл.

– Я си, – ин ханты эдты пупия ювам хуйд ястал, – волыдаман! Хутты ханты луңхаң йисаң турамы тыйтыйн, ханты хуйн нуптаң турамы тыйтыйн, тамась вер ант ат питас! Наң нурды тахайн иси иса нумпия ад павтаса! Наң талта юхаң ун шаншен педа шушма, ма па тухал хатл ёхи хасьты эвийн, ёхи хасьты похан пеңкаң ошни, куншаң ошни хорал урт, ма ат хасьдам.

Я сядта, ситанан, катна эсласьсаңан. Ин унт эдты улам пупи юхаң унт шаншал педа шушмас, торнаң унт шаншал педа шушмас. Лув па (Ас Мув Ики) ситалан йи икел хося шушмас.

– Я си, ики. Си талта вуш эдты ёхи яңхламан, мет олңа, тамилан холыена хоралдан, вонсётлад иса холыена вонся – там ветхосьяң пупен хол наңилан. Ма ин талта пеңкаң ошни хорал урт, куншаң ошни хорал урта ма, урта си мандам! Сит

патыйн, ад тармаң урт тармем вантлдатэм патыйн, веваң урт ведем вантлдатэм патыйн, нёхас сохен нэман вуйдысэм, – лик этадтаты патыйн хун. Ад нопсад талты эвеман, нопсад талты похеман, там тармаң урт тармем потартыты патыйн па нёхас сохен долмилысэм.

Я си мантсаңан, ин нохар юхана си ёхатсаңан.

– Я ин, икие, нох хуңха!

Йи икел па иси лув юпелан нох манас. Илды навармас: си едпи хатл муй хораспи икия ус, иси хораспи ики лэңкия

ювмал! Йи икел эсламтас. Илды питмалдн: иситы си хораспия ики лэңкия ювмал. Ситы ёхи мантсаңан па си ин икел кимет пуш потартас:

– Си, сиканся ма си! Там эвен-похен кат юкан, там куртэнан-вошенан Ёхан Мув Ики лэңки наң ула! Ма па пеңкаң ошни хорал урт, куншаң ошни хорал урт!

Си, ясаңдал сохнам кутан, ин икел амуй турма хуңхас, амуй мува доңас, – холта манас, нюр лойм лотал туп! Си.

Лув арэд си сохнас, там монсяд си сохнас. Хасям икел па, си курталдан, муй кат ху юкан эвел-похал пидан, муй па ин хонна уд – сит ма ант уйтлэм.

Семён Михайлович
Лозьямов монсидыйс

Ма мувем, ма рутэм самеман шавилдэм

Щёхар тыдащ хольмаң педа нядмет хатадан Канац похал природно-этнографической комплексан «Ма мувем, ма рутэм самеман шавилдэм» вантапса пуншса. Галина Михайловна Граблевская (Тогачева) Люба ащел пидан ёнтам ханты ернасат, картам сак лопсат, хилыдал верам хорамат щита вантты рахал.

Галина Михайловна ай удмалан, Ханты-Мужи куртан ус. Антел-ащел худ па вой велпасдыман усан. Ёдан энмалты войт па тайсаңан. Там йисан куртал тал. Туп пормас шавиты па мойң хоятата ханты улапса альты вер лэщатман ул.

«Эвия удмеман, ёнтасты порайн, сохмем хув. Антеман ястадайм: «Эвие, сохмен щикем хув, щаха хув муват педа улты мандан». Щиты щи тыйс. Ашкуда етшамал па рупата педа утадтымал юпийн, Овс мув ун вошат педа рупитты китса. Щита ху сая манас, няврэмлад сэма питсат. Ин там хатл унты Надым вошан ул па рупитал.

Хащам, хус молтаскем тал, ханты улапсайл ишакман, шавиман па мойң хоятата альман каш верты хотан рупитал. «Тови най» группа актас, тохи вошан улты ханты хоятлад няврэмлад пидан ёхтыдылат. Яха вератдат, арсыр касап-саятан, вантапсаятан, каш верты харатан арыдат, якдат па ёнтлат. Сама мосты рупатайлд тувман, тэдые ишакты нэпекатан юконтса.

Там вантапсая Галина Михайловна пидан рупитты хоятлад, лухаслад па рутлад ёхтыдылат. Ар хорам, хошам ясаңан ястаса па мойлаптаса. Муң па мойлапса ясаңан лувел китдэв. Галина Михайловна, тумтака уда. Тусаңа вератты ёшданан холна ар хорам сох па пормас вера. Па мув хоятатан рупатайлдан умащдыман ат вантдайт па уятлат, муй хорпи ханты хоятат муң мувеван улдат.

Зоя Куртямова ханшам потар



Хор: Зоя Куртямова



Хор: Зоя Куртямова



Хор: Галина Граблевская



Хор: Зоя Куртямова



Хор: Зоя Куртямова

Газета «ЛУХ АВТ»

Адрес редакции:
629003, ЯНАО,
г.Салехард,
мкр. Богдана Кнуянца,
д.1, каб. 106
(34922) 4-68-63

E-mail:
luh.avt@yamal-media.ru

Учредитель

Департамент внутренней политики
Ямало-Ненецкого автономного округа
(629008, ЯНАО, г.Салехард, пр-кт Молодёжи,
д.9, каб.708)

Газета зарегистрирована

Управлением федеральной службы по надзору
в сфере связи, информационных технологий
и массовых коммуникаций по Тюменской
области, ХМАО-Югре и ЯНАО
19 апреля 2012 года
Регистрационный ПИ № ТУ72-00558

Тираж 1340 Заказ 1550
Подписные индексы:
на год – ПА700, на полугодие – ПР561

№ 40 (1239)

Газета вышла в свет 5 октября 2024г.

Подписано в печать 3 октября 2024г.

по графику: 16.00

фактически: 16.00

Газета выходит по субботам

Цена годовой подписки 88 руб.,
в розницу не распространяется

Издатель

Департамент внутренней политики ЯНАО
(629008, ЯНАО, г.Салехард,
пр-кт Молодёжи, д. 9, каб.708)

Отпечатано в АНО «Ямал-Медиа»
Юридический адрес: 629003, Ямало-
Ненецкий автономный округ, г. Салехард,
мкр. Богдана Кнуянца, д.1, каб. 106

Фактический адрес: 629007, Ямало-
Ненецкий автономный округ, г. Салехард,
ул. Чубынина, 39А

Генеральный
директор
АНО «Ямал-Медиа»
Зулинова
Марья Андреевна

Главный редактор
Яковлева
Аллина
Кирилловна